



14. nóvember 2018  
Tilv.: 1810096

Nefndasvið Alþingis  
[nefndasvid@althingi.is](mailto:nefndasvid@althingi.is)  
Austurstræti 8 – 10  
101 Reykjavík

*Efni:* Umsögn Seðlabanka Íslands með frumvarpi til laga um brottfall  
laga um ríkisskuldabréf, nr. 51/1924, 210. mál.

Með tölvupósti dags. 25. október 2018 leitaði efnahags- og viðskiptaneftir Alþingis eftir umsögn Scðlabanka Íslands vegna frumvarps til laga um brottfall laga um ríkisskuldabréf, nr. 51/1924, 210. mál á 149. löggjafarþingi 2018-2019.

Frumvarpið er samið í fjármála- og efnahagsráðuneytinu í samstarfi við Seðlabanka Íslands, en bankinn sinnir lánaumsýslu ríkissjóðs, samkvæmt samningi við ráðuneytið, á grundvelli heimildar í 6. gr. laga um lánasýslu ríkisins, nr. 43/1990.

Með frumvarpinu er lagt til að lög um ríkisskuldabréf, nr. 51/1924, falli úr gildi enda má segja að löginn séu barn síns tíma. Lög um fjármögnun ríkissjóðs hafa enda leyst þau af hólmi, sbr. lög um innlenda lánsfjárlun ríkissjóðs, nr. 79/1983, og lög um lánasýslu ríkisins, nr. 43/1990.

Verði frumvarpið samþykkt mun það fela í sér eina efnislega breytingu frá gildandi rétti, sem er að ákvæði 1. mgr. 3. gr. laganna um að ríkisskuldabréf skuli ekki gefa út til lengri tíma en 25 ára fellur úr gildi. Þrátt fyrir að núverandi stefna í lánamálum ríkissjóðs geri ekki ráð fyrir að slíkur möguleiki verði nýttur nema sýnt sé að slík útgáfa hafi verulega hagkvæmni í för með sér fyrir ríkissjóð þá mælir Scðlabankinn með brottfalli laga nr. 51/1924 þar sem með því fjölgar kostum ríkissjóðs við skuldastýringu og eykur svigrúm til áhættudreifingar.

Með vísan til alls framangreinds mælir Seðlabanki Íslands með því að að lög um ríkisskuldabréf nr. 51/1924 falli niður.

Virðingarfyllst,  
SEÐLABANKI ÍSLANDS

Már Guðmundsson,  
seðlabankastjóri

Björn Sigvatsson  
Björn Sigvatsson,  
forstöðumaður lánamála ríkissjóðs

SEDLABANKI ÍSLANDS

KALKOFNSVEGI 1 · 101 REYKJAVÍK  
SÍMI: 569 9600 · NETFANG: [sedlabanki@sedlabanki.is](mailto:sedlabanki@sedlabanki.is) · BRÉFASÍMI: 569 9605